



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-817-322, fax. 035-818-716, e.mail: opc.grad@bih.net.ba, www.gradacac.ba

OPĆINSKO VIJEĆE

Općinsko vijeće Općine Gradačac na osnovu člana 24. i člana 68. stav 4. Statuta općine Gradačac („Sl.glasnik Općine Gradačac“, br.4 /08, 5/12 i 1/17) i člana 5. Odluke o raspuštanju Vijeća Mjesne zajednice Vučkovci, br. 01-05-179/18 od 15.05.2018.godine, na sjednici održanoj dana _____ 2018.godine, d o n o s i

O D L U K U
o raspisivanju izbora u Mjesnoj zajednici Vučkovci

Član 1.

Općinsko vijeće raspisuje izbore za članove Vijeća mjesne zajednice Vučkovci.

Član 2.

Izbori za članove Vijeća mjesne zajednice Vučkovci će se održati u nedjelju 11. novembra 2018.godine, od 7 do 19 sati.

Zbor građana će se održati dana 21.oktobra 2018. godine, a ukoliko zbor građana ne uspije da se održi ovog datuma, isti će se ponoviti 28. oktobra 2018.godine.

Član 3.

Izbore će provesti Komisija za sprovođenje izbora i Birački odbori koji rukovode izborima, a čije nadležnosti su regulisane Odlukom o postupku izbora za organe mjesne zajednice i način verifikacije provedenih izbora br.01-05-180/14 od 29.05.2014. godine i Odlukom o izmjenama i dopunama Odluke o postupku izbora za organe mjesne zajednice i način verifikacije provedenih izbora br. 01-05-52/15 od 26.02.2015. godine.

Član 4.

Komisija za sprovođenje izbora će na osnovu zapisnika Biračkog odbora sačiniti izvještaj i podnijeti ga Općinskom vijeću, u roku od 15 dana od dana održanih izbora.

Član 5.

Izborne radnje počinju danom stupanja na snagu ove Odluke.

Komisija za sprovođenje izbora utvrdit će rokovnik radnji u postupku predlaganja kandidata i utvrđivanja kandidatskih lista, kao i drugih aktivnosti.

Član 6.

Odluka stupa na snagu danom donošenja.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
-Općinsko vijeće-

Broj: 01-05- /18
Datum: _____ 2018.godine
Gradačac

PREDSJEDAVAJUĆI
OPĆINSKOG VIJEĆA
Šakić Enir, prof.,s.r.

O b r a z l o ž e n j e

Izbori za Vijeće Mjesne zajednice Vučkovci održani su dana 29.11.2015.godine. Odlukom Općinskog vijeća Gradačac potvrđeni su rezultati provedenih izbora na osnovu koje je Mjesna zajednica Vučkovci dostavila zahtjev za upis lica ovlaštenih za zastupanje, pa je nadležna Općinska služba donijela Rješenje br.05/1-05-3437/15 od 20.01.2016.godine kojim je izvršen upis lica ovlaštenih za zastupanje mjesne zajednice, odnosno Kurbašić Safera za predsjednika Vijeća Mjesne zajednice Vučkovci. Prema rezultatima izbora za Vijeće mjesne zajednice Vučkovci za kojeg se biralo ukupno 9 članova najveći broj glasova osvojio je Kurbašić Zamir 393 glasa, dok je Kurbašić Safer osvojio 258 glasova.

Općinskoj službi za društvene djelatnosti i boračko-invalidsku zaštitu Općine Gradačac dostavljen je prigovor Zamir Kurbašića sa obrazloženjem da je održana konstituirajuća sjednica Vijeća Mjesne zajednice Vučkovci na kojoj su članovi Vijeća bez njegove saglasnosti i izjave da eventualno ne prihvata kandidaturu za predsjednika Vijeća mjesne zajednice izabrali Kurbašić Safera za predsjednika. Vijeće Mjesne zajednice na zahtjev nadležne Službe dostavilo je Izvod iz zapisnika iz čijeg sadržaja nije vidljivo, da li je kandidat sa najvećim brojem glasova odustao, nego iz sadržaja Izvoda proizilazi da je isti kandidat napustio sjednicu Vijeća mjesne zajednice, nakon što Vijeće nije postupilo u skladu sa članom 26. Statuta mjesne zajednice, kojim je propisano da Vijeće mjesne zajednice za predsjednika proglašava kandidata sa najvećim brojem glasova, ili iz reda svojih članova bira predsjednika Vijeća Mjesne zajednice.

Nakon što je ponovno zatražen zapisnik, Vijeće mjesne zajednice je dostavilo Izvod iz zapisnika, te shodno tome Općinska služba je svojim Rješenjem br. 05/1-05-2069/17 od 15.09.2017.godine poništila Rješenje br. 05/1-05-3437 od 20.01.2016.godine, koji se odnosi na upis lica ovlaštenih za zastupanje Vijeća mjesne zajednice, odnosno upis Kurbašić Safera za predsjednika Vijeća mjesne zajednice Vučkovci.

U međuvremenu je na zboru građana koji je održan dana 16.09.2017.godine, donesena Odluka br. 05-63/17 od 17.09.2017.godine, kojom je odlučeno je da se iz Vijeća mjesne zajednice opozovu Kurbašić Zamir, Českinović Danijel i Bijelić Vehid. Odluka je donesena protivno Zakonu o principima lokalne samouprave, Statutu Općine Gradačac, i Odluci o postupku izbora za organe mjesne zajednice i načina verifikacije provedenih izbora.

Obzirom na propuste koje je utvrdila Općinska služba za društvene djelatnosti i boračko-invalidsku zaštitu i Komisija za statut i opća akta Općine Gradačac, Općinsko vijeće Općine Gradačac je Odlukom, br. 01-05-179/18 od 15.05.2018.godine raspustilo Vijeće Mjesne zajednice Vučkovci i pokrenulo postupak sprovođenja izbora za Vijeće Mjesne zajednice Vučkovci. Ovom Odlukom je propisano da će Općinska služba za društvene djelatnosti i boračko-invalidsku zaštitu Općine Gradačac do sprovođenja izbora i verifikacije istih vršiti poslove mjesne samouprave u ovoj mjesnoj zajednici, kao i da će Općinsko vijeće raspisati izbore u roku od 60 dana od dana donošenja ove odluke, i shodno izloženom odlučeno je kao u dispozitivu ove odluke.

Obrađivač
Općinska služba za društvene djelatnosti i
boračko-invalidsku zaštitu

Predlagач
Općinski načelnik